

四庫全書

史部

欽定四庫全書

史部

水道提綱卷一至三

詳校官監察御史臣王爾烈

刑部郎中臣許兆椿覆勘

總校官知縣臣楊懋珩

校對官編修臣沈清藻

謄錄監生臣王露

欽定四庫全書

史部十一

水道提綱

地理類四 河渠之屬

提要

臣等謹案水道提綱二十八卷

國朝齊召南撰召南字次風台州人乾隆丙辰
召試博學鴻詞授翰林院編修官至禮部侍郎歷
代史書各志地理而水道則自水經以外無
專書郭璞所註久佚不傳酈道元所註詳於

北而畧於南且距今千載陵谷改移即所述
北方諸水亦多非其舊

國初餘姚黃宗羲作今水經一卷篇幅寥寥麤

具梗概不足以資考證召南官翰林時預修

大清一統志外藩蒙古諸部是所分校故於西

北輿地多能考驗又志館備見天下地圖乃
參以耳目見聞互相鈎校以成是編首以

盛京至京東諸水次為直沽所匯諸水次為北

運河次為河及入河諸水次為淮及入淮諸
水次為江及入江諸水次為南運河及太湖
源流次為浙江閩江次兩廣諸水次雲南諸
水次西藏諸水次西北阿爾泰以南水次黑
龍江松花諸江次東北海朝鮮諸水次塞北
漠南諸水而終以西域諸水水之源委往往
衰延數千里不可限以疆域名南所敘不以
郡邑為分惟以巨川為綱而所會衆流為之

目故曰提綱大抵源流分合方隅曲折統以今日水道為主不屑屑附會於古義而沿革同異亦即互見於其間其自序譏古來記地理者志在藝文情侈觀覽或於神怪荒唐遙續山海或於洞天梵宇揄揚仙佛或於游踪偶及逞異炫奇形容文飾祇以供詞賦之用故所敘錄頗為詳核與水經註之模山範水其命義固殊矣然非名南生逢

聖代當敷天服屬之時亦不能於數萬里外聞古
人之所未聞言之如指諸掌也乾隆四十六
年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

四

四

水道提綱原序

大地合水土為體居天正中亦若人身然山其筋骨而水其脈絡也至靜者山靜中有動故為幹為枝以一而萬又以萬區界百川至動者水動中有靜故為源為委以萬而一又以一遍周六合陰陽自相經緯與日月星辰之麗天為經緯者理氣協應此地道承天所以含萬物而化光也志地有書九邱尚矣治水莫神於大禹言地亦莫精於禹貢以治水先委後源則列敘九州疆域中

高山大川自濱海之冀充青徐揚州西迄梁雍以山自
有幹與枝水自有源與委則總叙導山四列導水九川
皆起雍梁而東至於海詩言既景乃岡相其陰陽觀其
流泉古聖人體國經野以建都邑利農田濟舟楫設津
梁轉運阜財襟帶險固孰有不於水深究其本末者乎
自漢後地志日多專言水者惟有水經及酈道元注道
元於西北諸水鉅細不遺可謂精矣後儒言水或解詩
書春秋或釋班志或於寰宇畧撮梗概或於郡邑各記

方隅其志存經濟者於沿河防海水利守邊博考古今
暢言得失政理所係援引雖多不厭其繁雜若夫志在
藝文情侈觀覽或於神怪荒唐遙續山海或於洞天梵
宇揄揚仙佛或於遊踪偶及逞異眩竒形容文飾祇足
供詞賦採用以為美談從未有將中國所有巨瀆經流
實在共聞共見可筏可舟不枯不涸如孟子所言原泉
混混放乎四海者用水經遺意上法禹貢導川總其大
凡芟除地志繁稱遠引分名別號附會穿鑿之陋務使

源委了然展卷即得此水道提綱所以紀載今日實有
之脈絡山川都邑並用今名畧識古蹟取其質不取其
文如河經數徒濟惟入河漢有別支江源非一黑水未
知誰是積石原在羌中前賢早有辯論無煩復贅取其
實不取其虛也蓋自古帝王功德之盛莫如我

朝重熙累洽治致昇平幅員之廣盡天所覆亦莫如我
朝臣召南學識愚淺自乾隆丙辰蒙

恩擢入翰林纂修一統志伏睹

聖祖御製輿圖東西為地經度以占節氣後先南北為地緯度以測辰極高下漠北直過和林抵白哈海西番遙窮拉藏至岡底斯凡金沙瀾滄潞江崑崙青海之近在邊陲黑龍盧朐松花漱尼按出虎水烏蘇里江之本屬內地者源委秩如已迥非從前史志所能稍及而我

皇上聖神文武善繼善述

天威遐震克奏膚功踰流沙而開四鎮蕩平伊犁回部拓地至二萬里西域並入版圖濛汜咸受正朔此豈漢

唐元明盛時賓貢享王所能較量濶狹乎哉即古稱唐
虞協和萬邦義和所宅章亥所步伯益夷堅所志方斯
蔑矣臣初久在志館考校圖籍於直省外又專輯外藩
蒙古屬國諸部道里翔寔是以志成之後亦嘗條其
水道惟圖無可據者闕之及蒙

恩告歸台山杜門無事養病餘暇時檢篋中舊稿次第
編錄共成二十八卷臣思為萬國朝宗者君為萬川會
同者海也以一水論發源為綱其納受支流為目以羣

水論巨瀆為綱餘皆為目如統域中以論則會歸有極
惟海實為綱中之綱凡巨瀆能兼支流注海者亦目中
有綱綱中有目耳是以詮列次第不依水經冠以海水
自北而南并取禹貢首冀次兗之意內自

盛京鴨綠江口以西而南而西南至合浦外自雲南而
西而北又自漠北阿爾太山肯忒山而東至海又自
海而南而西而北包朝鮮至遼陽域中萬川綱目畢列
至於慈嶺以西水入西海印度水入南海丁零黠戛斯

以北水入北海前史或畧記其地以我

朝之聲名洋溢凡有血氣莫不尊親則重譯慕思盡為
疆索占測經緯合裳瀛以成圖臣固可執筆俟也禹貢
曰聲教訖于四海說者謂極言之未可徵實然則自生
民以來久道化成一統無外能實有其盛超越前古其
惟我

大清也歟

欽定四庫全書

水道提綱卷一

原任禮部侍郎齊召南撰

海

海為百川之匯自鴨綠江口西襟盛京南京師直隸
東南又南襟山東之北而東古所謂渤海也東為大
海經其東南又南襟江南浙江之東又南襟福建東
折而西經其南又西襟廣東之南凡兩京五布政司

地際海禹貢冀兗青徐揚五州漢志遼東遼西漁陽
廣陽渤海平原千乘齊郡北海東萊琅琊東海臨淮
廣陵會稽南海合浦十七郡國也共得巨川口九曰
鴨綠曰大遼曰天津曰大清河曰河淮曰大江曰浙
曰閩江曰粵江

盛京東南之鴨綠江口在九連城南其東為朝鮮國界
海口與山東登州之成山遙相望 海自鴨綠口西
經鳳凰城秀巖城南有小水口五又西南經東高麗

城西高麗城南有小水口一又西南過官家山又西

南經古金州城東南有小水口六

自東高麗城東南至此海中洲島無

數又西南為寧海縣之旅順城

地自古金州城西南至此橫僅數十里東

南西三面懸居海中其山脈東北自長白山來西經盛京東南之北興京摩天嶺而西南相接千有餘

里至旅順入海海中洲大者曰北黃城曰南黃城曰

小欽大欽二島其東曰鼉磯島又南曰廟島其南曰

長山島洲嶼落落如星羅碁布又南即山東登州府

蓬萊縣也古稱渤海本大海之支港說者言禹時青

州踰渤海北兼營州之地其勢固自然也旅順三面懸海南望蓬萊僅二

百五十里南過海至北黃

城島僅百餘里西望天津千里海自旅

順城折而北經城西其西為鐵山島

又西為雙島

又北而

東為寧海縣西又北稍西為復州城有小水口三復

州城西南為長興島

島大數十里海中洲之巨者

又北而東為永

寧監城李官屯熊岳城蓋平縣之西有小水口三

熊岳

水口西有鬼兒島蓋平縣西有連雲島皆小洲

又北有耀州河口又西北為

海城縣西南之大遼河口

自河以左為遼東以右為遼西漕運由此口入海

自遼河口西北經右屯衛南有小水口二至衛南為

大凌河口又西經錦州府南為小凌河口又西稍南

經松山杏山東南塔山村東

東有小筆架大筆架二島

又西南經

連山雙橋二城寧遠州東南水口

口東南有桃花菊花二島菊花即明

所稱覺華島也

又西南經沙河所中後所高兒河前衛中前

所五城南有小水口五又西為山海關南

其西入直隸界海自

山海關之南東北至大遼河口六百里大遼河口南至旅順城六百餘里自旅順東北至鴨綠口八百餘里

直隸東北自山海關之南經山海衛南又西南經撫寧

縣東南有小水口四又西南經昌黎縣東南有小水

口二又西南經樂亭縣南之齊家庄為永平府之灤
河口又西有小水口又西經灤州南又西經順天豐
潤縣南之澗河庄南有小水口三又西經神堂韓沽
南寶坻縣東南境為薊運河口 海折而南經武清

縣東南境為新河鎮東即天津直沽口也口曰大沽

有海神廟當天津府之東南

東北至山海關六百里
南至山東界二百五十

里東南至山東之登州府八
百餘里古黃河入海之口也

海自直沽南經靜海

縣東又南稍西為青縣東之濟溝小口又東南經鹽

山縣東北

其東南入山東海豐縣界

山東地東北正東東南三面濱海海自武定府之海

豐縣東北有大沽口又東南經霑化縣濱州東北又

東南為利津縣東北之大清河口

俗曰牡蠣口東省巨川惟大清河

又東南經蒲臺縣東北又東為青州府之博興縣樂

安縣東北即小清河口也又東南經壽光縣北萊州

府之濰縣東北昌邑縣北有小水口五濰水口其大

者自小清河口而東為濰河口為黑洋口為于河口為白狼河口又東為濰口俗曰淮河又東

為北膠河口又東為海倉口又東北經萊州府治掖縣

北北有海廟口其西曰芙蓉島

又北為三山口又東北經登州府

之招遠縣西北有界河口又東北有地懸入海中曰

岬嶼島又東北經黃縣北

北有小水口西曰桑島

又東北經登

州府治蓬萊縣城之西北而東

蓬萊閣在府西北北有廟島西北曰大小

黑山二島東曰長山島又北曰侯雞島高山島又北曰龍磯島稍細又東北曰碗磯島稍大曰大欽小欽

南黃城北黃城四島北與旅順口隔海相望長山島之東曰沙門島小竹大竹二島皆在府東北灣子口

之北又東南經福山縣北

有小水口

又東北地懸入海中曰

之累島又東南經竒山所東北又東南經寧海州城

北

有小水口外島嶼無數可名者曰栲栳島曰大小崆峒養馬及莒四島曰櫛子島皆在之累島東正

對州北之龍門港口若斷若連

又東經文登縣北之威海衛西

北東三面

西有戲山金山寨郝慶三港口衛東島嶼無數可名者曰雙島曰劉公島

曰衣島其南即長峰港口

又東南經夏崖所東曰朝陽口又

東經榮城縣城北

榮城即成山衛西北有鷄鳴島東北海驢島

成山地一

線

縱二十里橫八十里

北東南三面懸居海中

東六度八分極三十七度五分

海自成山之東折而西南經山麓西至縣城南之

裡島口始折而南經龍池崖尋山所崖頭集東有港

口四

曰養魚池曰青魚灘曰倭島曰佳雞旺

又南為寧津所東北之桑

溝口又東北而南而西南經赤山寨東南

有鏤鉞島石島南有

王家島

又西南經靖海衛南

東南有馬家嘴朱家園二口南為蘇門島

又西

折而北為文登縣南之望海口長會口又西為五里

島口

長會之西有姑嫂島五里島耳島琵琶島

又西經海陽縣之南

即海洋衛

有小水口六

東曰窟頭口浪煖口南曰南泓口西泓口西曰琵琶口乳山口即大河口也海

洋三面懸海東有黃島腰島南有南泓疇棉花島青島

又西南經大嵩衛南有

港口二

東南草烏背南徐家口

又西經萊陽縣南之大山所南

海渚曲入

經行村寨南中有香島馬公島其口曰魯家口何家口其東有古蘆土埠千里三島

又西海渚曲入北為五龍河口又西經雄崖所東北

西三面

有李家口金家口齊口其東曰遼家口

又西南經即墨縣東之

坡子口東

東有蘆島水島青島田橫島長牙島牛島馬龍島石島西南有女島

又西有

渚曲入曰嶼村口又西南經鰲山衛東南

嶼山三面懸海

鰲山衛亦然南有嶼島及大管獅子小管小女四島自雄崖所黃龍庄坡子口及鰲山衛地實三面居海

中又南經即墨南境勞山東折而西經浮山所南又

折而北至縣西南之女姑口

勞山地東西南三面懸海南北八十里東西五

十里其東南有石門島車公島勞公島南有福島石島梅島浮山所西與靈山衛相對

有自女姑

口西北經膠州東南之會海口麻灣口即南膠河口

也北膠河北至昌邑東北之海倉口入北海而南膠河至此入海二河之源出州西北分水嶺以山險

相阻故運舟不能通又西北經州城東南又南經靈山衛東有

小口曰小河曰大河曰頭營子曰洋河曰淮子其東南曰古積洋即東海大洋也渚中小島曰陰島

曰黃島曰陳家島曰竹空島近衛東南曰薛家劉家顧家三島唐島又南為古鎮口夏

河所龍旺口東又南為諸城縣東南境夏河所之琅

瑯臺三面懸海又西為窰頭董家安家三港口又西

南經日照縣東南石臼所南之夾倉口又南為濤維

張維嵐山三口又西南經安東衛西南之荻水口

其西

南入江南界海西自海豐東至成山一千五百里東自成山西南至安東衛九百里

江南自荻水口西南經贛榆縣東有小水口四

曰柘柱曰潮河

曰興庄曰背口背口隔海有秦山頗高大又南經海州城東有小水口五

曰唐牛曰范家曰小河曰臨洪在州東南曰恬風口州東隔海巨島即古鬱

洲也懸居海中

洲東有雲臺山有二水入海口西北有虛溝城西南有鳳凰城其北隔海

有鶯游山

海又南稍東經新壩板浦白河港三口又南

為鹽河入海俗稱曰淮河口又南稍東經安東縣東

北之雲梯關是為大河淮瀆入海口也

自荻水口至此二百八十

里自此至大江口五百餘里口東三度五分極三十四度

海自河淮口之南稍

東經阜寧縣東有射陽出海三口

北曰雙洋港中曰當尖港南曰射陽

港又南稍東經鹽城縣如臯縣東有六水口皆串場

鹽河洩水之港

曰野潮洋曰新洋港曰天閘港曰又關龍港曰苦水洋曰天開河頭

南稍東經通州東境之蓼角背南與崇明之北舊城

西南與太倉州北境相望是為大江入海口也

蓼角背在

通州狼山之東百二十里自此南至吳淞口二百

二十里又二百餘里西南至金山城口東四度八分

極三十一度江口之南經太倉州鎮洋縣東北有七鴉楊

林新巖劉家四浦口隔海與崇明縣相望 崇明即

東沙懸居海中縣城西與太倉南與吳淞江口相望

地南北六七十里東西百二十餘里今城近南有舊

城在西北又隔海相連北有東三沙東北有永豐沙

東南有禪沙南有新興

又南稍東經嘉定縣東羅

沙實大江水口沙也

店鎮水口又東南為吳淞江口又南經寶山縣城東

北又南經上海縣東又南折而西經南匯縣南又西

南經松江府華亭縣東南奉賢縣南又西南經金山

縣城南

金山縣東南海中島嶼有勝山金山龜山盤山小洋大洋二山又東有馬跡山花烏山畫

山驛絡相連近于南匯

又西經白沙灣江門營之南

又西入浙江界

浙江自江門營西南經平湖縣東南有乍浦口

口東南有浦山

又西南經海鹽縣東南稍西為澉浦口

東南與曹娥江口相望有白塔

山在海中

又西經海寧縣東南稍西為赭山與南岸之龕

山相對曰海門即浙江口也

浙江口東北至吳淞口三百里東南至舟山四百

里東四度極
三十度四分

南自蕭山縣東北之龕山

龕山北臨浙江

傍有小山懸居俗曰鬘子門

又東稍南經紹興府治山陰縣北境

三江閘口又東南經上虞縣北瀝海所西北之曹娥

江口又東北經餘姚縣北境臨山衛許山所北又東

北經慈谿縣北境觀海衛盛山之北始折而南稍東

經奄浦古窰淞浦三口

海中島嶼曰許山其南曰泥螺山擲浦山其北曰西鶴山

東鶴山又東曰五齊山烈表山

又南經鎮海縣東招寶山麓

外即七里嶼

又南曰蛟門即甬江口寧波府治鄞縣之水口也前

即三山大洋當口東北崑嶼甚多最大者曰金塘山又

東南為舟山定海縣

蛟門東北隔海大洲南北長廣數十里近南曰虎蹲山曰大謝山

近北曰金塘山與烈表五齊兩山相接其東南即舟山也

舟山定海縣懸居海

中正西與蛟門西南與象山相望

地形如舟首向西尾指東南縣城

近西南火燒門港與穿山郭衢二所相對其西北過螺頭門即大謝山其前導小船也正北曰大沙口相

近有長白山又北曰秀山又北曰岱山稍鉅又北曰大衢山其東南尾曰舵寨洞寨隔海東北曰普陀山

曰竹嶼門又東曰大落伽山南曰小落伽山普陀之南曰順母塗曰朱家尖曰盧家山曰桃花山皆能與

舉相近者由東而南曰鳥沙門曰沈家門曰田寨山地稍寬廣東南曰亂礁洋正南曰東寨門西寨門又

西隔海即象山北之錢倉所也舟
山為甬江外屏其外即大洋海

海自鄞江南口

又東南有小口二

一對黃茅山一對
下嶼大茅兩山

又東南經穿山

所北折而南而西經郭衢所東南海渚曲入經所南

而西經慈巖吉埼司大嵩所松巖之南又西北經河

泊所東南折而西南經奉化縣東南又西南為浮門

折而東屈曲經象山縣城西北又北至錢倉所西北

折而東

錢倉所北與郭衢所相對海渚廣六七十
里河泊所與浮門東望象山長百餘里皆海渚

又折而南經爵溪所東又南經東溪村東又東南經

昌國衛石浦所之東南

爵溪海中有青門山又東曰牛門山曰大目山遠曰韭山

象山縣地西北東三面皆海 昌國地北東南西四面皆海惟西北一線與象山東溪村接又西

經衛之西南海渚曲而西北經東溪村西南

昌國北有担門

鎖門東有牛欄門小港南有銅下門下灣門皆小島也西南正與林門對又西北至寧海

縣東胡陳南又西北至杏浦南又西北經縣東

渚中有島

曰南田山曰石佛青珠蛇盤山

又東南至慢巖東巖海游所南折而東經

竇巖北

渚中有桃頭山

又東南經健跳所北又北而東經浮

門嶺西林門北

自寧海白溪入海曰大湖汎縱橫百餘里浮門嶺地東西皆海林門與

昌國其渚口也杏浦地南北皆海一線地東至象山昌國自浮門嶺而南經赤嶼

曰牛頭門

有牛頭山白代山相望海渚西北曲入長七十里廣八九里不常至橋寨南小姐寨

都寨梅舉之北其海口又南有小口無數經桃渚所牛頭白代青唐三門

東又西南經懇埠杜下橋東南又西南至前所與海

門衛山相望即台州府治臨海縣靈江口也海自海

門衛南經黃巖縣東

海門外島嶼甚多名者曰穿礁山東南曰琅璣山曰大陳山

儿青又南稍東經太平縣新河所東又東南至松門

衛

海中有松門山

始折而西經隘頑所東又西南經東嶽南

海中

有楚始折而西北至江下汎西千嶺寨南又折而西

南至大荆營南芙蓉村東有數小口又西南經樂清

縣東北之蒲圻所又南為樂清水口東與海中玉環

相對 玉環山懸居海中東北與太平之楚門西與

樂清西南與甌江口相望

自楚門而西北有數島嶼其大者曰龍王山正西即

玉環也

自江下汎而南海中有太平山有水漲嶼

有茅衍山與玉環接地南北百餘里東西七十里

多山谷有一水港其東南隔海曰黃大畧曰三盤山

南曰寬畧山又南曰鳳凰山即甌江外大口西有

島曰大鳥小鳥二 自樂清而南經盤石衛東南又

山與樂清相近

西有小口二又西為温州府治永嘉縣東南之甌江

口口東有大門山東北有小門山其中曰黃花關對黃大巖甌江口南經寧村所

梅頭寨東海安所東南又西為瑞安縣東之江岸寨

曰飛雲渡口口正東對鳳凰山又南為南岸宋埠東又南為

平陽縣東南之橫陽江口口外島嶼甚多名者曰大岩頭山曰鹿山曰大嶼

小嶼曰大琵琶山小琵琶山曰長腰山又南經金鄉衛東南有小口三

曰大漁口曰石塘口曰赤溪口又西南經蒲門所東

南之鎮下關南與海島南關北關二嶼相望又西南入福建

界自舟山至松門三百六十里松門至蒲門三百餘里

福建地東南二面濱海臺灣則懸居大海中自南關

嶼而西海西南經沙埕南為南鎮澳口又西南經斂

城崇嶼東南

海中有屏風山東為臺山東南有七星山北對南關嶼

又西南經

北洋硤門牙城東南有水口三

海中曰烏樹山曰俞山其前曰烽火門

又西南經福寧府治棲霞縣東南海渚曲入當港口

有大小門二山

北有小崑筋山南有長泰山

其東即烽火門也

門南

有北桑山南桑山火鑊山

海又南屈曲而西南而西北海渚經下

許堡折而東北又西北至棲霞南之鹽田

自棲霞南沙糖汎而

東為魚灣武成二堡又南為程路長村二堡又南為大金所又西南為長溪延亭柘洋三堡至下許為內港口地有百餘里又折而北經竹江關門八寶城龍灣村南皆外濱大洋內濱海渚一線屈曲相接地形如象鼻然

海渚又西北經福安縣東南梅嶺浦白石司南曰白馬門又西為金垂寨南曰雲溪門折而東經寧

德縣北曰斗門又東南經上下三都為飛鸞渡口出

口為大洋

當港海中有東樹山又東有王安山又東為馬嶺山與胡纓山相近其南曰西洋山曰

東引山頗大外即大海也海又南而西北曲入為羅源縣東之浦

口又東南經西澳北而南而西經馬鼻澳東南又東

南經連江縣東北之白鶴澳竒達堡北又東經北茭

司東而南

當西灣港中有前嶼東北有鶴嶼外為大洋東南有西落東落二山又東南有下目

山與北茭接

海又折而西經縣東之黃崎堡定海所南為

連江口南為東岱浦又西南經福州府治閩縣東南

之閩安鎮南曰急水門與東南岸長樂縣相望是為

閩江內口也又東至五虎門為大口外即大洋

自急水門

而東海港始濶東北有琅崎山東南有小蘆巴豆大蘆三嶼中曰福斗山頗大又東曰梅花山又東為五

虎山北與定海所北茭司相望西與梅花所
相望為大海門又東為白犬洋稍南為東沙 南岸

自長樂縣東稍北之梅花所折而西南經仙岐渡橋

二寨東有小渚港二

海中有磁灣

又東而南經松下寨北

東南三面又海渚西屈經福清縣東之鎮東海口二

寨南又折而東經牛田前薛寨三山白鶴寨北與北

岸糖嶼相望為松下門石門以東之古嶼港口其外

即海壇鎮也

糖嶼東有大練山小練山糖嶼西與松下寨地隣近

海壇地形

狹而長自西而東而南而西北如玉玦內向懸居海

中鎮居中西北與福清港相對

鎮北曰蘇澳中曰興嶼南曰觀音嶼雖正

當福清港口實興化府江口之外屏也

福清港自

糖嶼南之古嶼其東曰爛泥嶼曰石牌嶼曰大扁山

其東即海壇東北洋中有小庠嶼東庠嶼南有草

嶼又南有長嶼鷺鷥嶼可門嶼小日嶼南日嶼與興

化府東南之

平海衛相望 海自白鶴山南經萬安寨北而南而

西寨三面懸

海東北與海壇之 又西北曲入牛田漁

觀音灣東南與草嶼俱相望

溪寨水口南

自牛田而東南曰前薛寨曰牛牙寨曰青嶼曰夾石港曰西港曰白鶴寨曰東

潮村曰萬安寨地皆兩面濱海當青嶼南港中有狹

長沙洲曰壁頭寨其地尾北尖而首南稍廣如鯉魚

北與萬安寨南與平

海衛相望為大口 又西南經興化府治莆田縣東

峰頭江口二寨南又西南至涵江鎮南與南岸黄石

寨相望為三江口自口東南經數曲折而西南經平

海衛東南折而西南至吉了寨南

平海衛西為莆田所又西為塔村其

北為嵌頭寨魏澳地形兩面濱海自黃石寨天馬寨而東而南而西為內外洋屏蔽莆田所南海中有眉洲嶼南曰天定山西曰鷺尾山曰後山灣自吉了寨南海渚西北曲入為

大港經仙遊縣東南又折而東南經惠安縣東北至

黃崎澳北而東而南

黃崎北與吉了寨相對為內港口港中有水口二有小嶼澳

自黃崎折而南經崇武所東南折而西經獺窟澳南

海渚西曲入泉州府治晉江縣東之洛陽口又南為

晉江口南自水頭寨東至日湖寨北折而南

日湖寨與北岸

下安澳港中大墜小墜二島為內港之口

外為大海南經永寧澳東又西

南至圍頭寨澳折而西海渚曲人西北經後湖寨水

口又西南經同安縣東南石井澳南隔海為金門鎮

海渚北當水口曰東獅寨西有洲曰大登嶼東曰小登嶼又南為金門所其東有北定嶼

金門

地懸居海中北尖南廣形如三角東南有小港所在

正南鎮在西南負重山東北與圍頭寨西北與灣頭

澳相望實西為廈門之外屏也 海自石井澳西南

至灣頭澳又西北至同安縣南丙洲之南又西南有

水口三經長泰縣東海澄縣北為漳州府治龍溪縣

江水口其北岸曰海門山東口曰圭嶼稍東北曰廈

門 廈門懸居海港中西北曰高灣寨東曰五山渡

東南正對大海之澎湖臺灣而相近島嶼東北自金

門灣頭隔港為列嶼諸島西南與大武山鎮海城相

拱護

列嶼最大其相連曰星嶼
大担嶼小担嶼曰浪嶼

漳府海口南岸自

鎮海城東而南折而西經崎沙汎南 臺灣懸居海

中東為大山生番界濱海地北自雞籠城沿海而西
至淡水城有水口五又西南經南嵌竹塹中港後龍
吞韶五社有水口十四又南經猫孟房裡大甲等社
至諸羅縣西有水口十六又南經府治西有水口八
自府治而南稍東經鳳山縣西有水口二又東南經
鳳山下淡水社有水口五南至沙馬磯地形如初生
月狹長南北千餘里臺灣城西濱海西北為鹿耳門

西為安平鎮大港口西北隔海為澎湖自鳳山南望

小琉球島澎湖懸居海中地廣僅數十里島嶼四面

環之無數稍大者曰西嶼曰吉貝嶼曰白沙嶼曰船

蓬嶼曰八罩嶼

臺灣西北至澎湖二百里澎湖西北至廈門三百餘里臺地東三度五分

至東五度四分極南自二十二度北至二十五度四分

海自廈門南對岸之

大武山又南經鎮海城東

東南海中有南定嶼遙與北定嶼對

折而西

經崎沙鎮南又西至漳浦縣東之赤湖城東南有小

口三

近海島嶼可名者曰連晉嶼曰南風灣曰崧嵩嶼曰燈火灣曰門扇後嶼曰將軍澳北即浮頭

港又西南至大澳海渚北曲經縣城東南為南溪口

大澳地三面懸海前有紫菜嶼沙洲當港面懸海中又前為橫嶼海渚西岸自洋

山東曲屈經而南為大海經古雷寨之東南西三面

古雷地自洋山一線八十里隔內外洋古雷西海渚又曲入西北為雲

霄城水口又東南經八天門林豆村南隔港即銅山

城大嶼也古雷之西北有小松大松佳松三小島銅山城懸居海港

中地形圓曲而西北向城在東其北曰塔嶼其南曰

青營山又西曰北山汎塔嶼之西曰古港又西曰大

帽嶼

城隔海南曰蘇尖山曰虎仔嶼青營山西與懸鐘山口相對曰松柏門自虎仔嶼外為東南大

海有大柑小柑二山

自林豆村西有水口又西經詔安縣東

懸鐘山之東而南至懸鐘寨西洋林寨東為水口

南隔海曰南灣自獵嶼而南東曰獅頭南曰青灣隔

海有中澎北澎皆屬福建一嶼為兩省交界地也

又西

南為南澎入廣東界自浙界南關嶼西南至五虎門三百里五虎門東南至海壇鎮百餘里海壇西南至泉州口二百八十里泉州口西南至金門百餘里金門西至廈門百里廈門西南至南灣四百餘里閩地東南南海共一千二百餘里

廣東地皆南濱海雷州則東西南統之瓊則懸居大海

中海自福建分水關南海中南灣

灣南島嶼有南澎入廣東界稍

西有赤黑白三小嶼又西有平嶼赤石嶼外即大洋灣北嶼嶼無數可名者曰青嶼曰白沙其北即饒平

東南之大成所

經饒平縣東南之大成所南又西北經黃

岡鎮南為縣水口

海港中島嶼甚多曰井洲曰草灣曰招洲曰信州嶼曰大金門皆東

與白沙南灣相近曰鴻門曰牛心石曰侍郎洲曰小金門曰長山尾皆近西南外此即大洋也又西

南經澄海縣東北樟林鎮南海渚曲入為潮州府韓

江口港汊無數

樟林鎮南曰來龍港又西曰北港又西南為澄海縣城南港又有新港共

四口入大洋北港南港之間有大小菜蕪二
嶼新港之西有放雞山尋回山及殿江寨 海又西

南經蓬州所南有小港西北曲入為泥嶼口又西南

經潮陽縣城東南為練江口 有滄洲在
港口中 其東長洲為

海門所又東為青菜嶼外即大洋 海門所形南北狹
長為潮陽屏蔽東

青菜嶼地稍大東北與殿江寨相近東曰馬耳灣
東南曰連灣南曰廣灣廣灣與海門對曰磊石門 海

自練江口又南而西經惠來縣東南之靖海所南又

西南經縣南神泉司南為縣水口又西南經海豐縣

東甲子所有水口二又西經揭石衛南又西有海港

三衛西曰崎石港稍西為西港又西南為大德港港口隔洋有遮浪金嶼二島又西為捷

勝所南二小口又西為扁涌湖西口之瞰下城隔洋南有

江母嶼又西為縣西南麗江口港前有雞籠山記心嶼又西為鶩

埠南小漠港口又西為惠州府治歸善縣東南之鹽

洲海平所南又西經碧甲司南又西南經新安縣東

之大鵬所東南自鹽洲浦而西海平所西有乾溪口又西有墩頭口大鵬所地東南西

懸海中又西南經官富司南又西經大背磨刀挂角三山

南麓大背山南隔海有大澳長三十里東有一洲中曰急水門小島環大澳者無數挂角山西南有

老萬山廣數十里南有小島曰竹沒山曰梅尉又西山又西南有東澳實粵江口之極外屏蔽也

北至柘度山麓海渚屈曲經其西而北為新安縣城

南之水港口

口西有洲三角又有小洲相次而北曰零丁洲曰大山曰平洲

又北而

稍東經城西而北經鰲灣茅洲西有小水口又西經

東莞縣西南之缺口司南又北而西經虎門二寨

南而北而東至虎頭山北麓折而北經縣西中堂司

之西北為東莞支江口

海港中島嶼無數近東岸者新安縣城西北有馬鞍洲鰲

灣西北有龍穴洲又北有合瀾洲缺口司之南有赤岡北有海月山其西南曰東洲山曰三洲山西與香

山縣相近三洲之北有大洲數十里曰飛花嶼北曰三角海東北曰珊瑚洲正與虎門二寨相望又東北曰林洲自江口而南俗總呼為南海小港口亦無數又西北經廣州府治南海

番禺二縣南境為粵江口

西三度五分極二十三度東江港汊亦與相通洲

渚無數自中堂司西曰獅子塔曰金釵營曰龍灣曰歷心沙曰排松嶺皆最大者

又西南為

順德縣東又東南為香山縣東又經其南

香山實懸居海渚中

洲嶼相接其北有黃圃司東北曰坡頭海東南曰分流海中曰永泰山司南曰浮墟村縣北有長洲又西北有猪頭山青霞山縣東北有橫當山東南有烟筒山簫口門淇墨金星門稜角山灣門九星洋正南為金紫山前山寨香爐山白銀水濠鏡嶼清洲又南為十字門外即大洋也西南有象角洲胡桃山又西南

有北台巨洲曰荔枝山有海渚又西南經新會縣南縣東南皆港汊有

小洲曰縹渺曰江門海其南有崖門山又南有小大橫琴山東有連灣洲宿聚洲小島無數又東為十字

門大橫琴之南有三竈山赤洲臯蘭山牛角山小林大林二洲外有白石洲無數大橫琴西南有大嶼曰

白礁銅鼓山西當長沙口水口又西南經新寧縣南之廣海衛南有

小口西南隔港有龍溪望高司隔海東南兩大洲東曰上川山西曰下川山中曰小金門海南曰大

牌又西南經陡門營海朗所南又西為陽江縣東南

水口海中島嶼自下川山而西曰泮洲山曰大鏡山中鏡山小鏡山曰三汲山至漢陽江口為海陵

山地頗大又西南經丞相嶺東水口又西經雙魚所

南又西南經電白縣南水口

東有白礁嶺西南有小汾大汾二洲及放雞山

又西南經吳川縣南水口海折而南經雷州之遂溪

海康徐聞三縣之東有水口六

吳川水口有三并為一大口當港數小洲

曰芷孖沙東南曰特秀山曰飛雲山曰麻練沙曰限門又外曰礮洲西曰新門港曰東頭山當遂溪東南之石門港口石門港溪東西並入海經遂溪縣城南石門港之南為海頭營又南一小水口外有調難

門洲

又南為庫竹港口

又西南為雷府城東北

通明港口

外有長洲曰東海島又南為雙溪口外有

澆洲

又南為淡水港調嶺港吳家港外有新孖洲

又南為北門港在兜蓋山錦囊所東北又南而西

至徐聞東為青灣口外有耳聾山白沙港又西至徐聞南之海安所港口正南與瓊府城北之海口所相

對

瓊州府地懸居海中中為黎母山五指山周回

千餘里黎人所居水最長者曰黎母水北至府城東

北入海一支分於儋州西入海山外沿海地郡縣環

之府城在北北與徐聞相望

隔海百五十里

有港五

西曰小英港北

與徐聞西南之麻嶼港對正北曰牛姑港白沙港西

北與徐聞之溥張港對東北曰麻錫港曰芒芋港皆

黎母水之委又東稍南至抱虎山有港三

曰北洋曰石欄曰抱

虎皆北折而南至文昌縣東南之清瀾所東北有港

五

曰郭婆曰走水外有洲曰浮邱曰抱凌外有小洲

曰陳港在銅鼓山南曰文昌港東大海有分洋洲

又折而南而西南經會同縣東又西南經樂會縣東

南有小口八

其大者曰馮家曰歐村曰港門
曰蓮花洲曰龍滾水皆東入海

又西南

經萬州東南又西南經陵水縣南有港四

曰周村港
前有樟樹

山前澳獨洲山保定嶺曰楊梅澗曰吞人港
曰水口港外有雙女嶼加攝嶼皆東南入海

又西至

崖州南有港七

曰黎安曰合港曰高沙港曰榆林港
前有大玳瑁洲曰三亞港前雙洲門

曰保平港番坊港
即崖州水口也

自崖州而西稍北至望樓港有口

三望樓港水始西南入海

曰龍栖港曰小玳瑁洲曰又西北至感恩縣西有

港五

大者曰橋港
水皆西入海

又北至昌化縣之棋子灣始折

而東有港三

曰北溝曰魚鱗洲曰烏泥洲其水皆西稍北入海

又東北至儋

州西北之獅子山有港三

曰永安塘曰新英港曰洋浦港即黎母水分支也

又東稍北至臨高縣北之昆耶山有港三

曰黃沙曰幾漫曰博

浦皆北入海

又東北至澄邁縣城北有小口三澄邁與府

最近亦北與徐聞相望

瓊所統惟安定在府南文昌之西餘俱濱海崖當極南

瓊府西六度七分極二十度強崖州西七度七分極十八度三分中國極南地也

海自徐

聞縣南之海安所西為河泊所又西為討網港

徐聞三面

懸海其南入海之港東南曰青灣港白沙港正南曰溥張港曰麻嶼港正對瓊府討網其西南口也始

折而北經縣西為北山溪青銅港

以下水皆西入海

又北為

潭浪港北海康所又北為雷府西境雷公山又北為

蠶村港下落港羊脚港又北為暗浦港即遂溪西境

也又北為石城縣西南之急水港榕根港始折而西

有二小港又西為廉州府治合浦縣南之龍村寨港

又西為珠場白龍城為武力港又西為府城西南之

廉江港

自入廉州水皆南入海

港南海中曰珠母池山又東南

曰潤州海自廉江西口蠶港而西為大觀港牙山

港外有洲曰香爐墩又西為欽州西南之龍門營為欽江口

東南有洲曰白麟尾又西有小口二至白龍尾海中有洲曰三口浪曰漁洲碑

曰釣魚臺又西為安南江口其西為安南國界自南海南至南海

口千餘里南海口自東灣北至番禺三百餘里內港自東莞西至順德二百里自新安西北至香山百六十里新安西至新會三百里自急水門西南至吳川縣九百八十里吳川南至徐聞四百里瓊自府南至崖九百里自崖西北至瓊千里徐聞北至石城四百餘里石城西至欽州西界五百餘里

水道提綱卷一

欽定四庫全書

水道提綱卷二

原任禮部侍郎齊召南撰

盛京諸水

至京東
薊運河

鴨綠江即古馬訾水也源出長白山南麓兩源分導合流而南有小白山水自東來注之又南流左受朝鮮北境數小水折而西流又折而西北凡長白以西連山南麓之水自十二道溝至頭道溝皆奔注之水勢

始盛

江水南流經朝鮮謝山城東北境有建川溝自東來注之又南折而西經城北有水自東來注

之又西經因禪衛諾言城小辰城北又西北流經新噶爾堡北而西有一水南自三山城來北注之又西

北經舊堡北而西於是北受十二溝及十一溝水南受冲天嶺東水又西北北受十九八溝水又西南受

二小水於是北受七六五四溝水南受二小水又西北流北受三二及頭溝水折而西南流

經帽兒山東麓又南屈曲西北流三十里又折而西

南流中有沙渚西受李子溝水東受該諾爾水又

南流西受里河水東受一水又南經滿浦發登高山

里城西北有四小水來會

其巨者曰白馬嶺河破城子河

又南有圖

魯河東自張傑城來西注之稍南有馬驛河自西來

注之又南經未源村西有五老梁水自東南來注之

又西南流經地古爾城理山西北有三小水自西北

來注之

正當地古爾城北岸者曰榆樹河又南有小水又南曰义溝

又西流佟家

江自西北來會

佟家江見後

又南經山陽公城西南有小

水自東來注之又折而東南有東金河自東來注之

又折而西南經小丕大丕必東三城西有東垓河自

東南來注之折而西流經必城北有小水自北來注

之又折而南經小巨流城大水高城大吉魯城之西
有小水自東來注之又折而西北流有常州傑河自
東南來注之又西北經敖登城遼郭爾城昌城之北
客店河自北來注之又西北長店河自北來注之又
西左受一小水又西北蘇子街河自北來注之折而
西南左受一小水又西南有浦西河西北自大甸
來南注之其南有小水來會經宿州城北又西北有
小水自東南來注之又西北阿布河西北自鳳凰城

來會

阿布河即愛哈河出愛哈邊門外東北三源合西南流入柳條邊經石頭城西北又南折而東

南流出邊三河灑馬吉河草河三叉子河皆西北自連山驛及鳳凰城東南流注之又東南有湯山河

自西來注之折而南流愛州城北有小水自東來注

之又南流分為三派行二十里復合經九連城東南

九連城與朝鮮愛州對峙分界正當江水分三派處又南有永阿河自西北來

注之又南經義州西又西南有哈連河自西來注之

又西南入於海

長白山東十一度八分極四十一度九分江口東八度極四十一度

佟家江即古鹽難水源出伊爾哈雅範山之南三源

合而西南流匯諸水

長白山自東而西牽連數百里又西北為費德里山又百餘里

為伊爾哈雅範山高峻干雲源出西麓

又西南流紅石河自東合二水

來會又西南有二水自東來注之

即帽兒山西麓水也

又西南

流有哈爾敏河西南流與額爾敏河合而南注之又

西南有嘉爾圖庫河合吉灘河英額河自西北來會

又南東受吳兒江水馬察河水又西南有王清河西

北自王清邊門東南流注之

王清河出柳邊王清門東山東南流有伊母孫

河北出柳邊東數源合而南流百餘里與王清河合又東南有密爾沽河自西南來會

又西南

流有拉哈河自西來注之

拉哈河北源出興京南柳邊外山曰威爾喀什南源

曰李雅達河出柳邊嘉年塘門之東東流百餘里而合又東南百餘里入江

又南流有一

水自董鄂來東流注之

俗曰阿木巴雅兒澚有二河合而東流

又南有

一水自西來注之

俗曰阿吉木鵝兒澚河

折而東南流有大沽

小沽二水自西北合而東流注之又東南有唐石河

自西來注之又東南入鴨綠江

鴨綠口以西入海諸水

大羊河出遼陽州東南分水嶺之西南麓西南流合四

小水又南而東南流有小水自北來會又南至鳳凰

城西南境之正白旂庄西而南有覽伯里庫河自東

北來會又東南入海 小羊河出秀巖城東南山中

合三源

與大羊河止隔一山

又東南流入海海口即大孤山東

麓也

海口東去大羊口僅二十餘里

墨河南流百餘里入海 沙

河有三源

西北一派稍長

南流百餘里而合南入海

海口前為王家

島又南為八盆島又南為海洋島又南為小鶴子島

駒兒河二源合而南經

東高麗城東又東南入海

大庄河南流西沙河自

西北來會經西高麗城北又東南野河自西北來會

南入海

海口東南為石城島 海口之西三十里即官家山南麓

畢利河出蓋

平縣東山數源合而西南流百五十里折而南而東

又百六十餘里左受上河水又西南流右受吊橋河

水又南入海

諸水中惟大羊河及此水稍長餘俱小水 河口正對大長山島其東南曰海

仙島其東北曰塔連島又東曰無名島東與八坐海洋二島相望其東南曰大鶴子島東與小鶴子島相

似也無名島之西南曰小長山島曰舍利島曰長子島又西曰葛藤島曰光祿島光頭島也大長山島之

西南曰瓜皮島曰馬鞍島曰古婁島西與金洲城東之大和尚山隔洋相望餘洲嶼尤多數百里間紛列

若棋局然大
長山最巨

小水口一 王贊子河南入海 清

水河南流紅水舖西南入海 大沙河南入海 澄

沙河出小活山南流入海

以上皆源出復州城東
南山長不過百餘里

旅順水口在新舊二城中間

南與登萊相望 東五
度極三十七度八分

金州城北水口

西入海
對諸嶼

孛闌西口 藥古河出

藥古城東北山西北流折而西有一水東北自山中

西南流經復州城南而西來會入海

海口有長興島
廣長踰數十里

南可望旅
順北山

李官屯河西流經屯北空同山南麓又

西入海 熊岳河二源合而西流經城南又西入海

口有兒
兒島

蓋州河西流經蓋平縣西南入海 耀州

河西南流經州城南又西有水自東南來會入海

曰俗

橋頭
舖河

遼河有大小二源自東北者古曰小遼水自西北者古

曰大遼水亦曰潢河

潢源
最遠

小遼水今曰渾河亦有

二源東北英額河源出 盛京東北柳條邊英額門外

東山之麓二澗合而西流入邊經英額城南柳白村

北又西南二百餘里至寨非城北高里營村南其南
源自東南來會南源即蘇子河張陰河其上源也出
興京東北柳邊內山西南流有小水自東來會又西
有馬瀾河自北來會又西有嘉里庫河自北來會又
西經興京城北而西有二河南自柳邊外北流而合
注之又西經

陵南又折而西北流經墓期站北曰蘇子河又西北經
孤勒村北寨非城西與東北來之英額河合二流既

合西南流經薩爾滸城北營盤城南又西南至得孤
村西南有伊爾德河自東南來會又西有查克丹河
自東北來注之又西經撫順城南有拉古峪河自南
來注之又西南經烏爾堅屯及岡子村南又西南為
陵前地又西南經 盛京城東南又西南有薄打舖河自
東南來注之又西南有十里河自東南來注之又西

南至遼陽州西北境太子河東自州城北西流來會

太子河即古大梁水源出 興京西南葦子村峪柳邊
界曰塔呵羅河西南流有佳河哈實瑪河諸水自東

南來會又西有哈達同河牛淵揚河自北來會又有
拉們河自南來會又西南流有湯河自東南來會又西
流百餘里經 東京城南遼陽州城北又西稍北數十
里有沙河自州城東南西北來注之俗呼為太子河
又西與 渾河合 又西南百里與巨流河會

源東九度極四十二度三分口

東六度三分極四十一度三分

大遼水即潢水古稱饒樂水濫真水托紇臣水吐護真

水皆即此河今蒙古稱曰錫喇穆稜猶漢言黃河也

源出古北口外克什克騰部界內山左麓北流折而

東北有二水自東南來會

源曰伯爾赫賀爾洪在克西克騰之西一百五里直

古北口北八百里中度近東五分極四十二度七分連
山東麓東北流有烏蘭滾河自南來會又東有薩里

克河自東南來會又東北百餘里南受一水曰碧齊克圖河南自克西克騰

西北流注之北受一水曰碧落河自西北來注之又東北經部落北境

又東經巴林部南境有拜察河自西南來會拜察河在克西

克騰西南源出拜察池東北流會威里河諸小水三百里入潢又東百餘里有黑河

西北自巴林來會黑河蒙古稱喀喇穆稜源出巴林西北境之松吉納山東南流經察

罕城北又東南有二水一西北出蝦蟆嶺東南流一西南出活潑名山之北東北流而合來注之又東南

流有葛爾達蘇台河西南合三水東流而東北注之又東南流有格爾格台河自北來會又東南入潢

既會黑水河流始盛又東流經阿魯科爾沁部之南

南二翁牛特部之北左翼北又東流沙漠中有白狼

百里河自西南來會白狼河亦曰狼水亦曰土河又曰

老哈穆稜今蒙古稱老哈河即老河也源出古北口

東北故大寧西南今喀喇沁部右翼南之明安山

漢言

千山在右翼南源曰察罕河西南流折而西北經巴

圖察罕和碩之東北有二水自西南來會

一水曰奇札岱河東

流經拜查山會北來水入老河一水曰虎查河源出虎查察罕駱駝海山東南流合始折而東

北流有和爾和克河自西來會

河東南流經和爾和克阿惠山入老河

又北經舊青城東

俗曰喀喇河屯明為大寧孔道北去衛城僅兩日程也

又北

有巴爾喀河自西來會

亦曰巴爾漢阿喇善河漢言上神水也東流與西北來之

巴爾漢河合而東經喀喇河屯北又東注老河

又東北百餘里經舊大寧城

南

俗曰巴爾漢城又曰察罕蘇巴爾漢城

又東折而東北有五巴河自

東來會

亦曰五巴賓河源出海他哈山西北流有東北來之西爾虎河來會又西北入老河

東北百餘里至敖漢部西界有喀爾几河自東南來

會又北有英金河西自翁牛特界東南流合溫泉烏

古岱河坤兌河烏拉岱河克勒河錫爾哈河錫伯河

及北來卓孫河諸水東流注之老河水勢始盛

英金河源

出翁牛特西北界之蝦蟆兒嶺東南流百里溫泉水來會又東南有珠爾河東南會烏古岱河東流注之烏古岱河亦曰努古台河禁英金河又東西爾哈河會諸水東北流注之西爾哈河漢言樟水也克勒河亦曰克爾河楚拉克拉哈爾山東北流與錫爾哈會烏拉岱河源出烏里雅蘇台嶺南流折而東北與巴倫撒拉河會注於西爾哈河又有卓爾伯呼河會焉英金河又東有西白河自西南來會西白河亦曰西白葛水源出卯金察罕拖羅海山其地喀喇沁右翼所居直喜峯口北四百里又東北流經翁牛特右翼南與西來之英金河會英金河又東有卓孫河自西北來會卓孫河亦曰卓索河源出翁牛特北海喇山東南流入英金河又北有伯爾格

河自西北來會

白爾格河源出翁牛特右翼北海喇漢山之西北東南流會陳德布河經

布爾克圖山入老河

又東北折而東流經敖漢部北界翁牛特

左翼南又東北與潢河會

老河自南而北英金自西而東各行八百里其長與潢

水伯仲水經注總稱白狼固有由也

潢河既合白狼河水勢益大

合處

在阿魯科爾沁之南二百里翁牛特左翼之北四十里東四度四分極四十三度五分

又東北

至札魯特南界奈曼北界始折而東南流分為二派

數十里復合又東南經喀爾喀二旗北又東經科爾

沁左翼境

科爾沁左翼所居伊克唐噶里克坡具西南六十里即西喇木倫河也

又東

南八百里有赫爾蘇河自東北來會

黑爾蘇河源出永吉州西南柳

邊內二源西北流而合俗曰穆當阿赫爾蘇河亦曰遼河西北流有枯魯河自南來東北流注之又北經赫爾素駒東又北百餘里有雅哈河亦兩源合而西北流百里來會又西北流出赫爾素門之柳邊即科爾沁境經額爾金山入左翼後旗界轉又東南流入西南流三百里將至柳邊西會潢河

盛京開元縣西境之柳邊又南有哈達河自東來注

之哈達河源出開元縣東南柳邊外東北流入邊又東北經哈達城南又西北有葉赫河東北自葉赫城南北南流而西南會東南來之占河南入柳邊又西南至開元縣城東南會哈達河又西流會潢河又

南經鐵嶺縣城西北有河自東來注之

即鐵嶺河也

又西

南流有范河自東來注之又西南至 盛京西北境有

懿路河自東來注之又西南百里有楊柳木河自西

北來注之

楊柳木河亦曰呼濟爾河源出喀爾喀左翼南境東北流折而東南與庫崑河會庫

崑河源出烏尼蘇台山東流經土默特左翼合阿哈里河及烏訥蘇台河又東與楊柳木河會東南經牧廠地有浩魯崑德河烏克爾齊老河來會又有鴨子河俗曰冲古爾河東北自科爾沁左翼前旗南西南流來會又南流入柳邊彰武臺門又西南經珠爾呼珠之西至廣寧縣境又南入潢河

驛東俗曰巨流河 又西南二百里渾河自東來會

於是西北源大遼東北源小遼二水合矣

合處在遼陽州西境

又西南有阿山河自東來注之又西南為三岔河口

當海城縣之西北境

三岔河中即遼河東有一小水自海城東北境西來其西有一

小水西北自沙林鋪來

又西南有海州河自東來注之

海州河源出遼

陽州南千山之南麓西流會諸水經海城縣南折而西又西南注之

又西南入於海

海口

東五度八分極四十四度八分

遼河以西入海諸水

廣寧縣境有水口二

東南有兩河一在杜家臺之西南流百里與西北來一河會又三十

里南入海其西北河則兩澗南流而合者也正南有二河一西南流一東南流七十里而合南六十餘里

入海

大凌河源出柳邊外喀喇沁左翼北五里威蘇圖山俗

曰傲木倫東北流有昇機河自西南來會又東北流

會諸水

有阿喇善河東南流會蘇巴爾噶圖河及克爾河東流注之又有賽音台河又和爾圖河各

東流注之他奔河北流注之

又東北經土默特右翼界受西北來

之水又東北經木頭城北又東北有小河二自北自

西來合東注之又東北至古興中城之南

俗曰古爾班蘇巴罕

城遼金時三塔猶存

西有一水自西自北合而東經城南而東

來注又數十里折而東南流入柳邊

在土默特右界所受小水甚多

其稍巨者曰布爾乾台河東南流注之曰圖爾根河東南流注之曰察罕河東南流注之曰細河即伊瑪圖河錫南流會錫噶塔拉河入邊至義州會清河流入天凌河東南經義州城西又

東南百里經十二站城東右屯衛城西又東南入海

錦州東南

小凌河源出柳邊外土默特右翼西界明安

喀喇山俗曰明安河亦曰蘇巴爾罕河東北流有木

壘河會女兒河哈柳圖河水自西來會

女兒河俗曰烏磬河

折

而東南流入邊百餘里經錦州府城西南又東至紫

荆鎮東雙陽店西折而南入海

錦州之南其西岸為松山杏山

寧

遠河又名三女河出寧遠縣西北山東南流有一水

自東北來會又東南八十里經縣城西南南入海

中後所河源出西北東南流經所東又東南入海

沙河東南流經沙河驛東又東南入海凉水河東南流

經平山營城東又東南經高兒河城之西凉水河驛

之東又東南入海 中前所河北出山中東南流經中

前所城東南入海 老軍屯河在山海關外源西出

關城內東南流出

白無門口

又東南經屯北又東南入海

山海關以西入海諸水

石河即古榆河源北出邊城外兩水一東北自城子峪

口西南流入一西北自義苑口東南流入至築造營

之南石門寨之東北合而東南經山海衛城之西南

入海 深河出邊城外兩源一南流入納子峪口一

東南流入葦子峪口合而南經平山營東又南五十

餘里經白塔嶺之東南入海 牛頭崖河南流分為

二派復合入海 洋河即陽河出邊外兩源東北者
南流入澗乾嶺口其西一水南流入升連口東而合
西南流經北新庄東及搵頭營之南西北一水自青
山口東流入南經馬谷營東遂合而南經撫寧縣城
西折而東南經洋河島南入海 黑陽河出昌黎西
北山東南流經縣城南又東南有小水自西來會又
東南至蒲河南東入海

灤河源出獨石口外東南山中即古濡水

濡音乃
官反 俗名

上都河

亦曰商都河

酈注所謂禦夷鎮東南二源雙引夾

山元史云出金蓮川中明一統志云雲州堡北六十里

發源炭山水井亂泉合而北流者也

源直中一度稍西極四十一度

強其西與赤城縣北境地相近

西北流二百里至御馬廠地烏藍城

西折而東北百里經波羅城西又東北九十里經舊

桓州城東南

俗曰庫爾圖巴爾噶遜城

又東北四十

里經元故上都開平城南

今曰昭奈曼蘇默城有昭乃滿寺有一小水自西北

來注之元時所謂龍岡也今御馬廠地南至獨始東石口二百二十五里小水俗曰納喇圖布拉克

流經多倫湖北

俗曰多倫鄂模

有哈柳圖河會東北諸水來

注之

哈柳圖河自池泉東南流有衣克綑河北合二水自東北來注之西南流有庫庫鄂摩水自東

來注之又西南入灤河

折東南流折而南受一水

西岸即察哈兒牧地有海

拉蘇台水東北流注之

又南受一水

亦自牧地東北流折而南而東注之

又東南

百里經郭家屯北有庫爾奇勒河自北合諸水南流

注之

源出山中南流有二水合自東北來會又南流經哈郎歸嶺東麓其西即灤河也又南有一水

自東來注之又南百三十里至郭家屯北與灤河會自郭家屯以東為熱河禁地

又東南經

熱河行宮禁地界流二百餘里至金狗屯東又東

南有興州河合鞍子嶺水自西北來注之

興州河出郭家屯東

南山中東南流至韭菜溝南有鞍子嶺水兩源當古北口東北地一南出兩間房之東西北流其一東南出鞍子嶺下西北流而合至偏山嶺東麓折而北又流又東北入興州河東流五十里至喀喇和屯

東流經喀喇和屯北有宜孫河合諸水自北來會

宜孫

河北出翁牛特右翼西蝦蟆兒嶺之南山其西北即英金河源又西北即潢水源也東南流百餘里有書庫里嶺水自北來會又南有小覺河大覺河孫几圖河俱自西來會又東南流百里有拜布哈河源東北出拜布哈嶺漢言高涼嶺也西南流會布墩河艾里河木賡哈喇克沁河西流注宜孫河又南有二小水自東來會又南稍西南經布魯里之西張三營驛之東又西南經新店和樂營之西又南經博囉和屯之

西而南有驛馬圖河自西北來會驛馬圖河源出永
愛巴嶺南流有七老圖河源西出七老圖嶺者東南
流有孟奎溝水合二水自西南來會又東會永愛巴
河南流有二水自東來會又南百里有布克嶺水自
西北來會又東南流百餘里與宜孫河會於波羅河
屯之西南宜孫河又西南百里經紅旗營之西折而
東南經舍利烏珠之西南又東南六十里
十里至喀喇河屯之北南入灤河 又東南為樺榆

溝水口

樺榆溝西出鞍子嶺之東
東流折而東北入灤河

又東北熱河合諸

水自北來會

熱河源曰賽音阿喇善湯泉東出喀喇
沁右翼西南一百八十里之和爾和

麓西流有小水自東南來會又西而卯金諸水自北
來會卯金河源東北出卯金嶺南麓在喀喇沁右翼
西一百五里山極高入俗曰卯金察罕拖羅海山其
北麓即西白河西爾哈河源也俗曰墨里河西南流

百里有小河自東北來會又西南經中關北又西南
有十八兒河西北自七老圖嶺東南流注之折而南
稍東賽因河自東北來綽諾河自東南來合而西與
卯金河合而南是為熱河賽音即湯泉也又南數十
里折而西流二十里又折而南經熱河城東而南又
數十里南與灤河會熱河城西有庫塔哈溝水外即
連山不斷自北自西而南熱河之東南即大黑
山自卯金嶺南及和爾和嶺蜿蜒而西南者也折東

南流經上板城東又南有白河自西南來注之

白河
兩源

在千松背之南山合而東北
流經上板城南而東入灤河又南有老牛河自東北

來注之老牛河二源西南
流百餘里入灤河又南經下板城西折而東

而東南流有小水自東來又有柳河自西南來會形

如十字曰柳河口

柳河源西南出五龍山之東南山東北流并一小水經柳河口村北

東入灤河

又西南折而東南有清河自東來注之曰清河

口又東南有寬河自東北合諸水來會

寬河即豹河其上游則錫

爾哈河也在喀喇沁右翼南一百六十里山麓東南流數十里折而西南經八溝店南有几百葛河亦東南流來會始南流經五十家驛東有小水自東北來會又西南有了頭溝自北來注之又西南經豹河村西而南有小子溝自東北來注之又西又東南流至南經寬河驛北又西流百里入灤河

邊城喜峰口之西入邊

未入邊時有小水自東來注之

經遷安縣西

北境之灤陽西有龍井關河自西北來注之

龍井關河出遵

化邊外東流合北來一水南流入龍井關又東南流
之西又東南經韓侯庄南又東入濼河

一水西北自三台營來會又東有一水北自邊外南

流入董家口來注之

董家口在喜峯
鐵馬關之東

又東經五華山

南又東南有二水俱北自邊外西南流入榆木嶺口

至太平營南合而南注之又東南經縣城西南分而

復合又東南至永平府城西北有青龍河北自邊外

南流注之

青龍河俗曰顧沁河出喀喇沁左翼西北
百二十里曰長吉爾岱山西南流會布喇

圖河陶金圖河又南折而西南流有湯圖河自西北
來會又南百里入邊城河口經堡西又南至永平

府城之北
西入灤河
又南稍折而西南流經灤州城東又東南

流經馬城長嶺東又南經樂亭縣城西又南分為二

港一東南入海一南經齊家庄東南入海

海口相去二十餘里

明初東曰葫蘆河西曰定流河後惟定流河存亦分
二港其水清碧亦謂之綠洋溝 東二度五分極三

十九度
三分

灤州西河

出州西北山兩源合而南流經州西而東南
流經高家庄西又東南至馬頭營西又南入

海

一小口

在馬頭營西南

長閘口

古冶河

二源南流合而南至

張家庄東

澗河

兩源出豐潤縣東北山一西南流經井子城南而西一南流經板橋

南入海

東而南遂合而西而南百八十里至澗河庄東
南入海海口在豐潤正南境 以上皆小水

薊運河即古洵水俗亦曰沽河有數源最東北者出遵
化州東北龍井關南山南流折而西經州城東南又
南折而西循連山北麓至姚家庄南有沙河自東北
合諸水來會沙河有二源出州北邊城外一西南流
入蔡家峪口一東南流入千家峪口至州北合而南
經州城西北又西南經石門南有馬蘭河自北來會
馬蘭河北出邊城外兩源一東南流入馬蘭關東之

鮎魚口其東北源西南流入天安口者來會於馬蘭
峪南經

景陵之東南新城東又西南會沙河

馬蘭河源在邊外
脈自鞍子嶺五龍

山而

沙河又西南與東來河水會又西經馬神橋之

南有淋河自北來會淋河出邊外東南流入古強口
經

景陵西又南一小水自東來會又南至馬神橋東南會
沙河是為薊運諸源也又西數十里經薊州城南有

盤山東水自西北來會

水自盤山東北南流經州城西南入沙河

又西南

折而東南經上倉西又南經下倉西白龍港之北平

谷水自西北來會

水自平谷縣城南西南流折而稍東南經三河縣城東功勞西又東

南至白龍港北與沙河會自下倉西東南流有玉田水自東北來

會

水自玉田縣東北西南流經縣城東南又西南經林南倉之南又西南注薊州運河

又東南

至港黃口東有還鄉河東北自豐潤來會

還鄉河即梨河有二

源東北出山中西南流經豐潤縣城北又西南而遵化州南之沙流河自北來會又西南至豐台入薊運

河又東南經蘆基西韓沽西折而西南流經青蛇子

西北而南而東入海海口之南即天津直沽口也

有新

河自青蛇子東南經北塘新河二村之東至大沽之北相通三十里

水道提綱卷二

欽定四庫全書

水道提綱卷三

原任禮部侍郎齊召南撰

京畿諸水

京畿東南曰直沽本大河入海之口河既南徙衛漳
以北恒衛大陸諸水悉匯此為尾閭實運河南北總
會也運河自為一卷

白河上源有二東北曰潮河源出古北口外西北御馬

廠地南大山

中度極四十一度八分直古北口西兩北三百里獨石口東北一百五十里兩

水東南流而合又東南有一水自西北來會又東南

至近邊有鷓鴣溝水自東北來注之又東南有巴克

井水自東北來合一水注之

水在古北口外巴克井營之西三叉口之東一

水東南自兩間房西流合注潮河

南入邊古北口之西折而東南流

有一水東北自土墻入邊來注之

水在兩間房之西南流入邊經司

馬臺北及兩臺北入潮河

又折而西南流經南臺西南有一水自

東來會

水東出鞬子嶺西南山西流入燒香谷口經新城及司馬臺南臺之南西會潮河

西

南經石匣營南又西南至密雲縣城東北有一水自

東來注之

水二派東自邊外流入止水谷口而合西流經鎮羅營及了髻山北入西入潮河

又西南經縣城東又西白河自北來會白河源出赤

城縣東邊外五郎海山西麓

源在中度近西一分極四十一度其北隔重山

即上都河源也

西南流入邊城盤鹽口經寧遠堡東南有獨

石水自西北來龍門水自西來合而東會於寧江堡

北

獨石水出獨石口南流百里經赤城縣城東北又東南有一水西北自鎮寧堡東南流經縣城南而

東南會獨石水又東南五十里龍門水自龍門縣城南東流來會入白河又屈曲經靖安

堡西又東出東河口邊外又東北折而東南流有三

小水自北來俱注之

南直懷柔縣正北

又東南入邊古道谷

口經高家庄北折而南流有一水自北來會

水北出邊外兩

派合東南流入白馬關西之白

又南一水自西來注

之

水出邊外東流入小水谷口入白河

又南經密雲縣城西而南與潮

河會

白河之源獨石水最遠

既會潮河西南流經懷柔縣東南

有七渡河自西北來會

七渡河西北出四海治東南流經懷柔縣西南入東南流

有二水自縣東北來注之又東至牛欄山東入白河

乃折而南經順義縣東又

南至通州東北有沙河自西北來會

沙河出昌平州西北之居庸關

卽溫餘水亦曰榆河東南流經南口東又東南有一水自西來會又東南至州南之沙河城有一水自西

來會又東流有一水北自州城之東北東南流注之又東一水自北來會又東南至宛平北境海淀水自

西南來會又東南至通州北東入白河 稍南玉河水西南自都城來會

玉河源出玉泉山東流經大內出都城東南注大通河繞城南而東至高麗庄入白河卽元運河也亦

曰通惠河 南經通州城東而南折而東而南俗稱古潞水

至張家灣東

南海子中舊有集乾支水於此東北注白河

又折而東而南

經舊灤縣北折而東稍北經香河縣西又東南經河

西務東又東南經武清縣東南之南蔡村又折而東而南而西至楊村東又東南至天津府西北之西沽桑乾河自西北來合拒馬涑易南及子牙河皆東流來會又東南運河自南合漳水滹沱東北流來會經

府城北又東南至大沽北新河南入於海

府東北有大河由西

南流入直沽自天津而東百餘里水經靳家窩鄭塘庄雙港新庄南陽馬頭鹹水沽葛沽郭家沽之北其東即大沽海神廟也海口東一度四分極三十九度

凡漕船南來俱由天津溯流北至通州城下

桑乾河古曰治水亦曰濕水亦曰灑水今名永定河源

出山西朔州馬邑縣西北洪濤山俗曰洪濤泉即古

累頭山也七泉湧起東南流至縣城西南有灰河西

南自朔州來會灰河實桑乾南源較洪濤稍遠其源

出管涔山之北麓北流經寧武所東又北於陽方營

西出邊城北流至州西南有一水自西來會

水有二源南源

出寧武所西北之神泉堡北有湧泉東南合一水北流至邊城大水口東北流有一水自西北山來會又

東北流會灰河此水出神水堡亦上源也

灰河又東北經州城西南有泉

水自城西來會又東有桑乾泉自北來會於城之東

南

桑乾泉如小湖在州北東南流經城東北又東南與灰河會

東北流與北源洪

濤水會而東北經馬邑縣城南又東北流經山陰縣

北有一水自西北來注之又東北經安銀驛南有黃

水河南自縣城東北流注之

黃水河出山陰西南朔州東南近邊城之雁門

關北山二源合而東北流有一水南自邊城內之廣武驛西出邊北流與會東北百里經縣城南又東北

入桑又東北經應州北有渾河自南合諸水來會

渾河

東出渾源州東北望孤山兩源合西流經州城北又西合聖水泉又西至應州城東北境有一水自州城

東而北來會又北入桑乾河即古渾源川也恒岳在水南三十里應州水二源其西南出夏屋山茹越山馬跑泉者東北流東南出邊城下者北流而合經州城東而北會渾河以北入桑乾

又東北懷

仁縣水自西來注之

水出縣西山中東流至神武鎮東北合一水經縣南又東入桑

乾又東北經大同府南瓮城驛北武州川合衛河自

西北來會

武州川西出左衛之西南山東北流經衛北又東有二水自北來會經雲西堡北又

東至高山營西有一水自西南來會又東至雲岡堡東南一水自北來會折而東南流有十里河自西南來注之又東南與北來之衛河合又東南入桑乾河衛河出大同北邊城外南流入經得勝堡東入南經府城東又東南會武州川也衛河一名如渾水亦名御河源在邊外太僕右翼牧地西北山

又東

稍北經渾源州北境陽高縣天鎮縣南境廣靈縣蔚
州北境入直隸界經西寧縣南又東北經懷安縣南
境之東城南又東北有一水西南自廣靈蔚州來會

水出廣靈縣西望孤山之東麓東北流經縣城南又
東北經蔚州北又東北行山中折而西北入桑乾

又東北百餘里經保安州南又東北有東洋河合清

水河西北自宣化府城來會水勢益盛

東洋河即古
于延水亦曰

修水其源曰兆哈河在正黃旗察哈爾車北兆哈嶺
之東兩水合而南流又東南有七七哈那河自東北
來會又東南經海喀喇山又東南流入邊城經山西
新平堡之北平遠堡之南又東流經直隸西陽河堡

柴溝堡之南有西洋河自西南來會西洋河西出陽和邊外太僕牧地東南流入邊城靖魯堡北守口堡南又東經陽高縣城北入東流至天成衛西北有二水自西南來會又東經城北入東入直隸界東北流至萬全縣西南之柴溝堡東南與東洋河合既合東流至萬全縣北有一水南自懷安縣東北流注之又東清水河北自張家口南流來會清河水河即古窰川水其源在張家口東北太平庄上源在獨石口西南山南流百餘里合二小水折而西又六十里與拜察河會俗曰古爾板河也拜察河在張家口北稍東六十里源出拜察村經桑阿蘇台山南流會古爾板河又西會一水南流入口為清河水又南折而西南入東洋河東洋河既會清河水河折而東南流經宣化府城西南又東南至保安州東北之鷄鳴驛南入桑乾河

門水也西洋河即南洋河即古雁

雁門山桑乾河又東經新保

安沙城南折而東南經懷來縣

土木驛在水東十數里

又東南

有媯河東北自延慶州西南流經城南而西來注之

媯河出延慶州東北山西南流經州城南又西南經懷來縣城東南又西南至邊城外入桑乾河

延慶

州南有望道口與居庸關相接 媯川亦名清水河

東南流入邊城

東去居庸關百里

行山中經昌平州及宛平縣西境曲折二百餘里又

東南流出蘆溝橋下又東南經良鄉縣東舊分一派

東流為鳳河

鳳河源出南苑海淀中東南流經舊鄆縣為新庄河至東安縣東北四十里鳳

窩集為鳳河又東至武清縣西北為滹水補河又遠城北折而東南八十里為安沽港河南入三角淀即

元時渾河故道也明時渾河南注奪疏瑤河經流下達霸州其東流一道不復相通遂名鳳河今全

南流經固安縣北又東南經永清縣北霸州東北東安縣南玉帶河自西南來會東流過三角淀經武清東南子牙河自南來會又東流經楊柳青之北又東至西沽南白河自北來會又東南運河自西南來會所謂丁字沽也東流經天津府城北又東南百

餘里至大沽北入於海

桑乾舊名渾河自宛平良鄉而東填淤冲决自元明以來

遷徙不一固安永清霸州或南或北時苦泛溢康熙三十七年始由良鄉之張家庄至東安之郎神河重

開一道使昔之泛决固安以西與清水河合而南至
新城霸州者今遷流於東由固安永清之北引流直
出柳埝口三角淀以達西沽築長隄南北兩岸二百
餘里遏其南趨使不與清水諸河會賜名曰永定河
而水患稍息也河源西四度三分極三十九度七分
三角淀即古雍奴水當西沽之上最大周二百餘
里後漸填淤衰延霸州永清東安武清南至靜海西
及文安大城之境東西百六十餘里南北二三十里
為七十二清河所匯永定河自西北來子牙河自西
南來咸注之今日東淀以其對任邱趙北口之泊為
西淀也東淀在武清縣南八十餘里王慶坨之南東
西四五里南北十餘里耳又東為西沽三十里合運
河達
天津

清水河即會同河今名玉帶河俗曰中亭河西南自任

邱趙北口東北經保定北霸州南由苑家口東北經
永清東安之南桑乾河自西北來會又東南流至西
沽即拒馬涑易滹唐諸水之委滙也支流甚多其最
巨者一曰拒馬河即涑水古桃水也源出山西代
郡廣昌縣北厓古塔當廣昌城之東東北流至長城
浮圖峪北有一水南自城南北流來會又東經長城
北至塔厓驛南又有一水南自山中北流出城來會
又東流至紫荆關北入長城又東北經易州北境山

中折而東南流經涑水縣北境始出山又東南至涑

州西南折而東北經州城北而東南流有胡良河自

西北來會

胡良河即古涇水出房山縣西南之大安山東南流經涑州之北十里又東南流入

拒馬河又有挾河出房山至涑州與胡良河合

又東琉璃河自北來會

琉璃河即

古聖水源出房山縣西北山中東南流經良鄉縣西

又南流經州東又南稍西經固安縣西南境又西南

經新城縣城東南又南有北易水

易水有三曰武曰濡曰電北易則武

濡之台南易則電也

西北自易州定興來會俗曰白溝河

易水源出

易州西山龍華店西北二源東北流而合又東有濡水自西北竄獨山來會又東出山經州城西南又東南經定興縣南境涑水北自涑水縣城東北南流來會又東南過楊村北又東南至新城縣南境與北來之拒馬河會水至清故曰白溝拒馬又東南經雄縣城西而南而東

南入泊

即趙北口大路之東

又東北經保定縣城北霸州南出

苑家口又東北經永清縣東南東安縣南桑乾河自西北來會而東也 一曰長流河徐河長流河即古

南易水一名電水一名鮑河源出易州西南山

在易水源

東南三十餘里兩澗合東南流經安肅縣城北容城縣西南

又東南至新安縣西南徐河合曹河諸水自西南來
會徐河即古大冊水源出易州西南之五迴山曰雷

溪

源在紫荆關前山

東南流百餘里出山經滿城縣北又東

流經保定府治清苑縣北又東南經安州城西北有

府河方順河合慶都河自西南來會

府河西出滿城縣境東南流至

府城西環城而東南有石橋河自西來會石橋河出完縣有二源一出縣東山一出縣西南伊祁山即古

和 waters 也東流至方順橋而合曰方順河又東流經涇陽驛南又東經清苑縣南過石橋又東北至安州西慶都水自南來會慶都河遠慶都縣城而東折東北流經高陽西北石家橋之北又東北會府河於安州

西南又北與徐河
會於州城西北

又東經州城北而東至新安縣西

南長流河自北來會東入泊經縣城南又東為趙北
口又東與拒馬河會於雄縣又東北自泊流出為清
水河 一曰豬龍河有三大水曰唐河沙河滋河唐
河尤大唐河即古滏水源出山西渾源南翠屏山即
恆岳西麓也東南流有一水自西來會又東南流有
溫泉水自東北來會又南有嘔夷水西自槍峰嶺東
流來會又東南經太白山北為唐河經靈邱縣城南

又東折而東南經三山隘門廣昌縣南境入直隸界
倒馬關之北又東南為曲陽北境唐縣西北境羣山
有二小水自北來注之至唐縣北折而西南流至大
羊店又折而東南流出山經曲陽縣北又東南經定
州城北又東南經祁州南又東沙河滋河二水自西
南來會唐縣西北大茂山即古北岳澗即禹貢恒水沙河源出山西繁
峙縣東界岩頭山其西即滹沱源所謂秦戲山也東南流穿長城入
直隸界茨溝營北又東南有小水自西來注之又東

南至阜平縣東南有一水自西界龍泉關東南流合
一水經縣城而東來會又曲折東南流經王快鎮西
又東流經宕城西始出山經曲陽縣西南又南經行
唐縣東北新樂縣城南又東經定州南無極縣北深
澤縣北又東至祁州東南滋河自西南來會又北與
唐河會焉 滋河源出山西五臺縣東界烏牛山北
麓東流穿長城入直隸平山縣西北界山中合數小
水東南流經靈壽縣北行唐縣南又東南經真定府

北又東經無極縣南折而東北流經晉州西北深澤縣北又東北至祁州東南與西來之沙河會而北合

唐河也

滋河至行唐縣之張茂村伏地流至真定縣北之南孟社復出

唐河既會

沙滋二水東北流為豬龍河經博野縣蠡縣南俗曰楊村河又北稍東經肅寧縣北高陽縣南又北至安

州之東南入泊

其東南即任邱縣北境泊口之北即新安縣也

滹沱河源出山西繁峙縣東北秦戲山

在平刑關南岩頭山西

曰

青龍泉西流經三泉鎮北孤山大營南有小水自南

來會又西經沙澗驛南有華岩水自南來會

水出中臺之麓

北流經北臺東又西北流入澹沱

又西稍南經縣城南又西南有峩

水自東南來注之

峩水出東峩山西北流入澹沱

又西南經代州

城東南有小水自北來繞城東而南來會又西南經

陽明堡東有二小水自西北來注之又西南經崞縣

城東有一水自西北經城北而東注之

其東岸即五峯山又

南有小水自西來經城南注之又西南有陽武河自

西來會

其東岸即天柱山及福壽山

又南經平原村東有銅河自

東來會

河東出鳳凰山北麓

有小水自西來會

水西出五峯之西北麓

又

南有沙河自西南來會又南為忻州北境之忻口折

而東南流經定襄縣城西北有雲中河自西南來會

河出忻州西北山兩源合而東流數十里經州北又東稍北至定襄西北入滹沱

又東南救

馬河自城南來會

救馬河即三會水源自嵐水出忻州西南白馬山東北流有陰山水

自南來會又東人合一水東北流經麻令鎮北及朔城東南又東北經定襄城南又東北注之

又東

經五臺縣南境槐陰堡南有一水自西南來會

水出定襄

縣南陽西鎮之南山東北流又北經兩嶺山又北合一南來之水經建安堡東注之稍北有一

水自西北來會

水出泉岩堡西北山兩源合東南流經槐陰堡東北至河邊堡之西南南

入澤

又東南五臺山之清水河自西北來會

清水河源出南

臺山麓西流數十里東嶽山東麓水自西北來會折而南稍東南流百里有射虎川自東來會折而西流稍西南經鹿陽山麓又西有鹿陽河北自獨龍山來會又西南有九女泉西北自縣東來會又西經五臺縣城東南又南有小水自城西來會折而東南流經煖泉山西突兀山東又東南經竇村店西又東南入溥沱

又東南經孟縣東北境有龍花河自西南來注

之

河出孟縣北之龍窩山東北流百里入溥沱

又東南有秀水河西南來

會

秀水河三源一曰烏河出孟縣西南之玉泉山台一水東北流經縣城東南入東北有星河自縣西

北東流繞城來會又東合一小水又北有白鹿泉自西來注之又東北有白馬山水自西來注之又北入

游又東入長城黑山關東南入直隸界自發源至此

由東而西而南而東而東南迴環九百里

源西二度五分極三

十九度三分黑山關西二度六分極三十八度四分入直隸界東五十里有一

水西自黑山關之北東流穿城而南注之又東南三

十里出山始行平地經平山縣城北有井陘縣水自

南來會

水曰冶河有三水會合北曰桃河即甘淘河源出山西平定州西壽陽縣東南新興鎮之

南山東北流經州北四角山又東北有李賓山水自西來會又東北經卧虎山鏡山東穿城入直隸井陘

界折東南流經核桃店北又東南經井陘縣城南又東北至獲鹿縣西南之兩水店西與南來之河水會又北流百里至平山縣西北入滹沱中曰栢川源出平度州西南陡泉山東北流經州南又東有州城河西北自城來會又東經西交鎮南樂嶺山北又東北于國關南穿城入井陘界四十里沾河自南來會也南曰沾河源出樂平縣西南之沾嶺北流而東經縣城西北折東南流有小松水自南來會又東北流有禹水自西北來台石馬山水東流來會又東北有一水自南來注之又東北穿城入井陘界北流與栢川合又北至縣東北與冶河會又北至平山縣西北入滹沱

又東南流經靈壽縣南

獲鹿縣北境真定府城南又東南經藁城縣城北又東南經晉州南又東南至東鹿縣東南入大陸澤自

澤東南流經冀州北東北流經衡水縣城西北又東北經武邑縣北武強縣南又東北經交河縣西境至獻縣南而水分為二派一派東流經獻縣南東北行百三十里至滄州西境杜林鎮南與南來之漳河合又北至青縣城東南與運河會北至靜海縣西又北至天津會白河桑乾諸水東入海一派北流經獻縣城西北折東北流經河間府東境景河鎮北又東北經青縣西境大城縣東境又北經子牙汎俗曰子牙

河又北經靜海縣西境與西北來之清水河合東流

至西沽北與白河桑乾會又東南南與運河會二派

復合也

水勢湍急與桑乾同自平山以下自昔遠徙分合不常今記其現在者既入直隸由西而

東南折而東北又東入海行一千二百餘里溥沱即禹貢衡水

北泊即古大陸澤亦曰鉅鹿亦曰廣河西受槐河於寧

晉南西南受滏陽東泊水於隆平東北南受漳水支

津於新河西南而北受溥沱於東鹿南至冀州北東

北流經衡水武強北又東北至獻縣南分為二派以

會於直沽東入海實北方大澤也

澤自西南而東北長百餘里南北三

十餘里或二十餘里俗稱寧晉北泊其上游曰葫蘆河即漳水也大陸村在寧晉東北古浚水舊道南入

泊滹沱之外諸水可記者曰槐河源出贊皇縣西

南山中合諸水東流出山經縣城北又東經元氏縣

南高邑縣北欒城縣趙州南栢鄉縣北又東南流經

寧晉縣城南東南入泊

槐水至栢鄉東北曰野河舊與漳水合今自入泊槐河南

北多古水名有浚水源出獲鹿縣西南蓮花山曰白鹿泉東流為西河經欒城北趙州南下流入葫蘆河古泚水出元氏縣西北封龍山下流入泚水古泚水出贊皇縣西南贊皇山亦曰沙水疑即今之槐河但

其水東經贊皇高
邑之南非在北也

曰滏陽河即滏水源出磁州西

山中兩水合於彭城鎮之東東流經州城南講武城
西折而北流至車驛關東又東北經邯鄲縣城東南
又東北至升固村西北折而東南又折而東北經廣
平府城東南又東北經肥鄉縣北曲周縣城東南折
而北流經鷄澤縣平鄉縣東又北折而西北至新店
橋鉅鹿縣之西南南泊水西南自順德府治邢臺縣

來會

南泊水出順德府西北東南流經府北又東南
經任縣南有一水西南自府城之東南東北流

經南和縣北來會又東北為南泊廣三十里

又東北經鉅鹿縣西隆平縣

東又東北入北泊

南泊水即古澧河一名澗水又名鴛鴦水

漳河有二源曰清漳曰濁漳 清漳又有東西二源東

源出山西樂平縣西沾嶺之大鼃谷

沾嶺一山東為沾河源下會治

河入滹沱西為大鼃谷清漳之源也

南流至和順縣西北有小水自西

北來會又南經縣城西又南折而西南流至南安驛

有清河自東北來會

清河源出和順縣東北黃榆山西南流北合萬泉水南合海眼

泉水又合溫泉水又西南經寒桃鎮北南安驛南西入清漳水

又西南至遼州東北

有小水自東來注之又西南至州南與西源會西源出西北

賦嶺東南流一小水自東來會南流經橫嶺鎮西義成鎮東

又東南經長城鎮西過松樹坪有武鄉嶺水自西來會又東

南經州城西南又東南會東源而東南流有箕山水自東北

來會

水自龍潭西流為洗耳泉水有溫泉水自東北來會又西入清漳樂平之東南和順遼州之東連山挿天多清

泉湧溢下為通川

又東南有水自東來注之又南至桐谷鎮有千畝

泉水自西北來注之入河南涉縣西界之遼城村又東南經

縣城西南折而南而東而西而南至林縣北之交漳口濁漳

水自西來會 濁漳又有西北二源西源出山西長子縣西

南發鳩山一名鹿谷山東北流折而東南流有小水自南來

會東流經縣城南折而東北流有梁水自南來會有藍水自

西北來會

藍水出縣西北盤谷山北麓東南流有雍水自南來會又東經縣北受一水又東南至高河鎮東南

入濁漳

又東北至潞安府北境漳溝鎮府西水及石子河自

南來會

府西水東北流經府城西北又北流注之石子河南出壺關縣山北流合一小水又北壺水出大

峪嶺自西來會又北經縣城東南又東北折而西北至府城東北西北流注之又東北經屯留縣

東潞城縣西有嶽水自西來會

水出屯留東南山東北流入濁漳又北有

絳河自西來會

絳河即古洛水源西出屯留縣西南境之盤秀山藍水出其陽絳水出其

陰也今曰高麗水東北流有三磬水自西北來會東流經縣城北又東流稍曲至潞城縣西北安昌鎮之

西東入濁漳

又東北有潞水自東南來注之濁漳亦名潞

水

水在潞城北山西北流數十里與漳合

又北至襄垣縣城南與北源

會北源出沁州西北伏牛山北麓東南流有聖鼓山

水自東北來會又南經州城西又東南左右俱會一

水

右曰后泉

又東南有銅鞮水自西南來會

銅鞮水亦曰小漳河出州

南楚鵬窠山之麓東北流與北源會亦名西漳河

又東南經虎亭驛西有水

自東北來注之又東南至襄垣縣西一小水自北來注之又東與西源會二水既合東北流經縣城東南有水自西北來注之又東北至黎城縣西北有榆社

水自西北來會

即古涅水合武鄉水入濁漳者也水北出榆社縣北杏榛山南流經縣城

西又南有義川河東自城南來會又西南流折而南經魏城鎮徇眷關西又南至武鄉縣城西而南有分水嶺河自西北合三水來會折而東流有洪水自東北合青石河水來會又東南流經西營鎮下良鎮之東彭庄南陌鎮之西又南入漳又南流至洺河鎮北折而東流經黎

城南境有水北自縣城來注之

一水在黎城縣東北一在西北俱南流夾

城而南十里台
南流注漳河

又東入河南林縣西北界壺關口之

南

北水南北俱太行山

又東經牛魯村南又東至交漳口與清

漳會也

清漳源西近三度極三十七度七分濁漳源西四度極三十六度交漳口西二度六分極

三十六度四分

二漳既合東流經彰德府治安陽縣北磁

州南又東至臨漳縣城之西折而東北流經城西北

北入直隸成安縣西南界又東北經縣東南又東至

廣平縣西南境分為二派東流者經魏縣北大名府

治元城縣北又東北入山東冠縣西界與南來之衛

河合而東北經館陶西北又東北至臨清州入運河
東北流者經廣平縣東南東北經肥鄉縣東東北入
山東界經邱縣南又分為二派一自邱縣城東北流
入直隸威縣南境又東北經清河縣城北又東北經
故城縣西棗強縣東又東北經衡水西南景州西武
邑西阜城縣城西北交河縣城東南又東北經南皮
北又東北至滄州西之杜林鎮東滹沱東派自西來
會又東北至青縣城南運河自東南來會又北達直

沽一自邱縣城西北流至直隸界龍堂折而北流經

廣宗縣城西又北經鉅鹿縣東又北至新河縣西南

北流入北泊

大陸本為漳水之滙
今僅存此一派耳

自泊東北流會漳

沱經冀州衡水武邑之北武強之南交河之西至獻

縣復分為二

見前漳沱河東
派及子牙河

至天津俱會而東入海

漳水入直隸界移徙分合自昔不常舊名葫蘆河為
溢沼諸水之委所經州縣今與前明不同北水之最

益漕河者則魏縣
東至臨清一派耳

衛河以地名本出百泉水及淇泉也其源遠而水盛有

小丹河與五峪口水為百泉之上源有浙壅盈盈三水為淇泉之上源小丹河即丹水分支也由山西潞安府南山發源南流東合陵川西合高平諸小水經澤州東南入河南懷慶府北境之方山南流入沁水者此經流也俗曰大丹河其分一支自方山東南流經清化鎮南折而東流經溫縣北武陟縣北又折東北流經脩武縣城東南又東北有一水合二泉水自西來會

靈泉水出修武縣西東流經縣城北合二泉水一曰馬方泉一曰五里泉自縣西北山東

南流注之 又東北經獲嘉縣北會一水 曰竹林泉出西北山東南流注之

又北五峪水自西北來會

五峪口水源出山西陵川縣東南馬武山南流曰平

田水有小水二西南自黃圍山來會又東流入河 又南輝縣西界之五峪口又東南百餘里會小丹河

東北至合河鎮之北有百泉水自北來會始名衛河

百泉水北出輝縣北蘇門山南流經仁義二關至縣城西分而復會 有卓水泉自西北來會又西南經禮

智信三關又南與小丹河會 古百泉在北淇水在南此百泉水在淇水南非詩所謂百泉也 又東

南流經新鄉縣城北又東北至衛輝府城之西南折

而北流挹城西及北折而東流至淇縣東南境淇水

自北來會淇水上源出山西平順縣南陵川縣東之
高山浙山二澗合曰浙水東北流有花甌山水自南
來會又東北有壅水西北自抱犢三壅紫園三山來
會又東至玉峽關之南合澗口有盈盈水西北自平
順東南來會遂東流入河南林縣南境又東南經六
嶺山北又東南經淇縣西北有淇泉自西南來注之
又東流至高村北折而南流經淇縣東境又東南與
衛河會衛河既會淇水東流經滑縣西南界又東北

經縣城西道口又北流經濬縣城西

大伾山在濬縣東一名黎陽山

人名清澧山衛河至此名黎河又名濬河

又東北經湯陰縣東界有湯河

自西來注之

湯河即羸里河出湯陰縣西山中東流經縣城北又東入衛河

又東北

經彰德府治安陽縣東南界有洹河自西北來會其

南岸即直隸內黃縣西境也

洹水出府西南山中北流合珍珠泉水折而東

而流經府城北又折而南流東入衛河

又東北經內黃北之楚望集又

東北經大名縣城南南樂縣北

正當北張鋪之北

又東北經

大名府治元城縣東北境入山東冠縣西界又北流

有漳河支流自西來會水勢益盛又東折而北經館陶縣城西又東北百餘里至臨清州城與南來之運河會運河自是不復用閘北至天津會白河諸水東入海俗稱運河自臨清以北總曰衛河



水道提綱卷三